

Kaka koloba, ezali te ndenge moko na kosenga ngolu epai ya Nzambe.

Lokumu epesamela Kombo ya Nkolo!

Ozali na polele ete kobongwana ezali likambo mosusu mpe kosenga ngolu ezali likambo mosusu. Moto mingi lelo oyo basengaka ngolu, kasi babongwami te. Ndeko, kosenga ngolu na kobongwana te ezali pamba.

Kosenga ngolu ezali kaka lokola kosenga bolimbisi. Kasi kobongwana ezali te makambo ya kosenga, kasi makambo ya kosala.

Kobongwana ezali nini?

Kobongwana ezali kotika masumu nyonso mpe kobanda nzela ya sika.

Tala soki ozali kotambola na nzela moko, na sima oyebi ete ezali nzela ya mabe. Okangaka, obonguani, mpe okomi na nzela mosusu. Wana nde kobongwana.

Ndakisa ya mwana

Mokóli atindi mwana na ye: “Kende kosala mosala moko.” Kasi mwana ayanoli na kofinga mpe akendeki koleka mpo na kokende kosakana. Kasi motema na ye etindaki ye abongwana. Atikaki mosala ya mabe, azongaki epai ya mama mpe alobaki:

“Mama, bolimbisa ngai, nakoboya lisusu te, nakokende sik’oyo.”

Na ndakisa oyo: kobongwana esalemaki tango azongaki, mpe kosenga bolimbisi ezalaki sima ya kobongwana.

Yesu mpe ndakisa ya bana mibale

Yesu apesaki ndakisa ya bana mibale:

Matai 21:28-31 (Mokanda na Bomoi)

“Moto moko azalaki na bana mibale. Ayaki epai ya mwana ya liboso, alobaki: ‘Mwana na ngai, kende kosala mosala na bilanga ya vinyo lelo.’ Mwana ayanoli: ‘Nakokende te!’ Kasi na sima abongwanaki mpe akendeki. Na sima, tata akendeki epai ya mwana mosusu mpe alobi mpe ndenge moko. Mwana ayanoli: ‘Ee tata, nakokende,’ kasi akendeki te. Bongo kati na

bango mibale nani asalaki mokano ya tata?” Bayanoli: “Ya liboso.”

Ya liboso nde aboyaki, kasi na sima abongwanaki mpe asalaki. Ezali ndakisa polele ete kobongwana ya solo ezali kolakisa yango na misala.

Tango oyo ezali tango ya kobongwana, ezala kaka kosenga ngolu te

Na mikolo oyo ya pasi, ezali tango ya kotika masumu, kosala boye:

- Tika kosala lisolo ya mbongo na botosi te
- Tika pite mpe biloko ya mbindo
- Kobwaka bilamba ya mbindo mpe biloko ya kofuluka
- Kosilisa biloko ya libaya, ya make-up, mpe eloko nyonso oyo ezozala lokola ekeko
- Kozongisa biloko oyo ozwaki na ndenge ya mabe
- Kolimbisa bato oyo bakosaki yo
- Kosepela na kimya na libota
- Kotika koloba mabaku, koloba makambo ya bato, mpe koyoka mabe mpo na baninga
- Tika masanga, masano ya mokili, mpe masumu nyonso

Na sima ya kobwaka makambo wana, tokoki koloba na Nzambe:
“Tata, natiki masumu mpe bikeko, sik’oyo limbisa ngai.”

2 Nkronike 7:14 (Mokanda na Bomoi)

“Soki bato na ngai, oyo bazali kobengama na kombo na ngai, bakobwaka somo ya lokumu na bango, basambela, baluka elongi na ngai mpe batika banzela mabe na bango, nakoyoka bango uta na likolo, nakolimbisa masumu na bango mpe nakobikisa mabele na bango.”

Kobongwana efungolaka ekuke ya ngolu

Soki tobongwani na motema ya solo, Nzambe moko nde akobimisa ngolu.

Nzembo 103:8 (Mokanda na Bomoi)

“YHWH azali na motema ya ngolu mpe ya boboto, atikele kolela, azali na ngolu ebele.”

Kasi soki totikaka masumu te mpe tozali kaka koloba na monoko ete: “Nzambe, yoka ngai” — yango ezali ya pamba.

Liboso kobongwana, na sima ngolu

Tosengeli liboso kobongwana, na sima kosenga ngolu. Kasi mingi na kati ya biso, kobongwana moko esalemi kaka, mpe ngolu eza na sima.

Ndakisa ya mwana mobuangi:

Luka 15:20 (Mokanda na Bomoi)

“Bongo ateleme, akei epai ya tata na ye. Ntango azalaki naino mosika, tata na ye amonaki ye mpe motema na ye etondaki na ngolu. Atemaki, akimaki kokende kokutana na ye, abosani ye mpe apesaki ye beze.”

Kaka kozonga wana nde kobongwana, mpe tata alingaki ye mbala moko.

Nzambe azali kobenga yo lelo

Soki nati moni naino bomoi na yo epai ya Yesu Klisto, ozali kozela nini? Mikolo ezali koya ya pasi koleka. Kasi baoyo bazali kati na Klisto, bango nde bakobika.

Yisaya 55:7 (Mokanda na Bomoi)

“Moto mabe atika nzela na ye, mpe moto ya mbindo atika makanisi na ye. Azonga epai ya YHWH mpe YHWH akoyokela ye ngolu. Azonga epai ya Nzambe na biso, pamba te Nzambe azali kolimbisa mingi.”

Maranatha — Nkolo azali koya! †

□ S’oki olingi kokoba kozwa masolo ya boyekoli mpe lisalisi ya Makomi, kotá na WhatsApp channel na biso:

<https://whatsapp.com/channel/0029Vb6lab8V0tfRqKKY11y>

Share on:
WhatsApp